

MALTA - 02. NOVEMBAR

02.11-06.11.2024

Malta je destinacija okupana suncem cijele godine. Ovaj otok nalazi se gotovo u središtu Mediterana, 93 km južno od Sicilije i 288 km sjeverno od Afrike. Sa 7000 godina historije, Malteški otoci i Valletta izvrstan su primjer urbanističkog planiranja, koji je zbog svoje jedinstvenosti uvršten na listu svjetske baštine UNESCO-a. Kuda god krenuli, očekuju vas jedinstvene historijske znamenitosti. Hramovi, palače, katedrale i utvrde pružaju uvid u živopisnu historiju koju gotovo da možete osjetiti. Historija Malte duga je i bogata. Na putu ćete naići na misteriozne prahistorijske lokalitete, srednjovjekovne kapele i osamljene palače vitezova. Oduševit će vas jedinstveni prahistorijski hramovi, neke od najstarijih kamenih građevina na svijetu, rimske katakombe, srednjovjekovni gradovi i izvanredna arhitektonska i umjetnička ostavština vitezova sv. Ivana (Malteški vitezovi). Malteški otoci pružaju uzbudljive kombinacije prizora: mediteransko plavetnilo, vapnenačku arhitekturu boje meda i čisto nebo. Gotovo se možete zaljubiti u svaku usku ulicu čarobne Vallete. Malta je apsolutno nezaobilazno odredište za one koji vole kombinovati fascinantnu antičku historiju s arhitekturom i prekrasnom prirodom.

1. dan, 02.11. subota - LET ZA MALTU 15:25 – DOLAZAK NA MALTU – 17:15

Sastanak na sarajevskom aerodromu 2 sata prije leta. Charter let za Maltu. Dolazak. Transfer do hotela. Check inn. Slobodno vrijeme. Noćenje.

2. dan, 03.11. nedjelja- VALLETTA (cjelodnevni izlet – uključen u cijenu)

Doručak. Odlazimo autobusom na cjelodnevni izlet u Vallettu i tri grada. Tri grada su srednjovjekovni gradići preko puta luke u Valeti. To su Vitorioza, Kospikiua i Senglea.

Gradovi su međusobno povezani i isprepleteni, i teško je reći gdje jedan grad počinje, a gdje se drugi završava. Zapravo, veoma su slični Valetti, ali su dosta mirniji i sa manje saobraćaja. Tri grada su inače bila prva baza vitezova kada su došli sa Rodosa na Maltu 1530. godine. Zapravo, na ovom mjestu se nalazilo sjedište Suverenog vojnog reda Svetog Jovana iz Jeruzalema. Prvo su se naselili u Birgu (kasnije Vitoriosa), koji je bio njihov glavni grad. Zbog strateškog položaja Malte u Sredozemnom moru, vitezovi su izgradili čitav sistem utvrđenja oko Velike luke. Zidovi i utvrđenja su nastala tokom 17. i 18. vijeka i obuhvatala su Santa Margeritu i liniju Kotonera. Izgrađeni su za odbranu Velike luke i Tri

grada, a ostaci bedema i zidova mogu su vidjeti i danas. Ovdje se 1571. godine sjedište Reda vitezova preselilo u Valetu, novu prijestolnicu. Tokom vođenog razgleda kroz živahne ulice Vallette otkrit ćete ljepotu i šarm ovog grada - Valleta je najbolji primjer jedinstvene kulturne ostavštine. Najprije ćemo uživati u fascinantnom pogledu na prirodnu luku Grand harbour koji se pruža iz vrtova Barracca. Nakon toga posjetit ćemo Katedralu sv. Ivana, razgledati Caravaggiove majstorske freske u Oratoriju, flamanske tapiserije i crkveni muzej. U katedrali se nalazi i jedan od najljepših mramornih podova na svijetu. Nastavljamo ulicom Republike i prolazimo pored Palače velikog meštra. Nastavljamo autobusom panoramski razgled zidina starog grada Vallete, a u povratku prema hotelu prolazimo promenadama Ta Xbiex i Sliema.

Slobodno vrijeme za ručak. Povratak u hotel sa autobusom ili individualno. Noćenje.

3. dan, 04.11. ponedjeljak - GOZO (cjelodnevni izlet - fakultativno)

Doručak. Danas nam se možete pridružiti na cjelodnevnom fakultativnom izletu na otok Gozo. Kratkom plovidbom od oko 20 minuta trajektom stižemo do luke Mgarr, gdje ćete odmah osjetiti jedinstveno ozračje ovog otoka. Najprije odlazimo do megalitskog hrama Ggantija, jedne od najstarijih građevina na svijetu uvrštene na UNESCO listu svjetske baštine, starije čak i od egipatskih piramida ili čuvenog Stonehenga. Zatim slijedi posjeta srednjovjekovnom kaštelu u Victoriji te zaljevima nalik na fjordove u Xlendi i Dwejri. Gozo je poznat i po svojim zanatima, naročito ručno izrađenoj čipki i pletenim odjevnim predmetima. Posjetitelji otoka bit će impresionirani bujnim zelenilom otoka, njegovim mirnim ozračjem i razlikama u odnosu na veću Maltu. Povratak u hotel. Slobodno vrijeme. Noćenje.

4. dan, 05.11. utorak - MDINA, MOSTA, RABAT, TAQAL (cjelodnevni izlet – fakultativno)

Doručak. Odlazak u Mdinu gdje dalje idemo na pješačku turu. Mdina je ostala središte malteškog plemstva i vjerskih vlasti (a imovina se i dalje uglavnom prenosi s porodica i s generacije na generaciju), ali nikada nije povratila značaj prije 1530. godine, što je dovelo do popularnog naziva "Tihi grad". od strane lokalnog stanovništva i posjetitelja. Mdina se nalazi na probnoj listi UNESCO-ve svjetske baštine, a sada je jedna od glavnih turističkih atrakcija na Malti. Zatim ćemo prijeći u Rabat. Ime sela na semitskom znači "predgrađe", jer je nekada bilo predgrađe Mdine, starog glavnog grada. U 15. vijeku, dok je ovo područje služilo kao zaklon od stalnih gusarskih napada, u Rabat je stiglo nekoliko vjerskih redova, koji su tu i ostali. Kada je Orden Svetog Jovana stigao na Maltu, Rabat je stekao značaj zbog svoje blizine Mdine, Grota Svetog Pavla, škola Covent i zbog obradivih poljoprivrednih površina u selu. Možemo posjetiti katakombe Saint Pauls (ulaz fakultativno). Slobodno vrijeme za ručak. Zaustavite se u Dingli Cliffs za fotografiju. Posjetite zanatsko selo Ta Qali. Posljednja stanica Crkva Mosta – treća najveća kupola u Evropi, poznata po bombi koja je pala u crkvu tokom mise u Drugom svjetskom ratu i nije eksplodirala (ulaz fakultativno). Transfer do hotela. Slobodno vrijeme i noćenje.

5. dan 05.11. srijeda - LET ZA SARAJEVO 12:45 – DOLAZAK U SARAJEVO – 14:45

Doručak. Odjava iz hotela. Polazak za aerodrom.

Aranžman uključuje:

- Avio kartu na charter letu SARAJEVO – MALTA- SARAJEVO
- Aerodromske takse
- Prtljagu do 23 kg i 10 kg ručne prtljage
- 4 noćenja sa doručkom u odabranom hotelu
- Povratni bus transfer aerodrom – hotel- aerodrom na Malti
- Organizaciju putovanja i predstavnika agencije
- Cjelodnevni izlet Valetta i tura tri grada
- Eko taksa u hotelu

Aranžman ne uključuje:

- Ručkove i večere
- Ulaznice za muzeje i katedrale
- Fakultativne izlete Gozo i Mdina
- PZO 10 KM po osobi (obavezno)

HOTEL MARITIM ANTONINE & SPA 4*

Adresa: George Borg Olivier Street, Il-Mellieħa MLH 1021, Malta

Cijena aranžmana po osobi.....1.499,-KM

FIRST MINUTE DO 15.09.....1.399,-KM

HOTEL MAYFLOWER 3*

Adresa: Triq l-Imhar Qawra, 8 In-Nakkri, San Pawl il-Baħar SPB 1482, Malta

Cijena aranžmana po osobi.....1.599,- KM

FIRST MINUTE DO 15.09..... 1.499,-KM

Doplate i popusti za djecu u hotelu Maritim:

Jednokrevetna soba.....+250 KM

Dijete do 1,99 godina.....GRATIS

Dijete od 2 do 11,99 godina sa roditeljima u sobi.....1.270 KM

Junior apartman (odrasli).....1.550 KM/osoba

Junior suite (djeca 2-11,99).....1.350 KM

Doplate u hotelu Mayflower:

Jednokrevetna soba.....+220 KM

Ostali tipovi soba i popusti za djecu na upit.

Fakultativni izleti / cijene po osobi:

1. Gozo **110,- KM**
2. Mdina, Mosta, Rabat, Taqali **70,- KM**

Napomena: Fakultativni izleti se naplaćuju u agenciji prilikom rezervacije aranžmana.

Minimum za realizaciju 100 putnika.

U slučaju nedovoljnog broja prijavljenih putnika agencija zadržava pravo otkaza aranžmana.

***Agencija zadržava pravo izmjene programa aranžmana i satnice letova. Moguća je promjena satnice leta u polasku i u povratku. Agencija zadržava pravo promjene satnice u slučaju nepredviđenih okolnosti. Agencija nije odgovorna u slučaju kašnjenja letova u polasku ili u povratku.**

SLUŽBENO IME: Republika Malta

DRŽAVNO UREĐENJE: parlamentarna republika

GLAVNI GRAD: Valletta, oko 6.444 stanovnika

JEZIK: malteški, engleski (službeni)

RELIGIJA: katolici 88.6%, nereligiozni 4.5%, muslimani 2.6%, Jehovini svjedoci 0.4% (2016)

VREMENSKA RAZLIKA: BIH 12:00 = Malta 12:00

NOVAC: EUR (euro); 1 EUR = 100 centi

BROJ STANOVNIKA: oko 460.297 (po popisu stanovništva iz 2017. god)

POVRŠINA: 316 km²

GEOGRAFSKI POLOŽAJ: Republika Malta otočna je država u Sredozemnom moru. Sastoji se od nekoliko otoka i otočića, od kojih su tri naseljena. Najveći otok je Malta na kojem živi najveći dio stanovništva zemlje. Malteško otočje nalazi se nedaleko od Sicilije (Italija), te manje od 300 km od obale Afrike.

KLIMA: Klima je sredozemna; srednja godišnja temperatura iznosi 20 °C, januarska 13 °C, a julska 27 °C. Godišnja je količina padavina oko 600 mm; kišni je maksimum zimi. Zbog vapnenačke podloge i ljetne suše znatan je dio otoka pust i bez biljnog pokrova.

ELEKTRIČNI NAPON: 230 V

DOKUMENTI POTREBNI ZA PUTOVANJE: Za ulazak u Republiku Maltu za BIH građane potreban je pasoš minimalnog važenja 6 mjeseci od dana ulaska u državu.

ZDRAVSTVO: Vakcinacija nije obavezna. Preporučujemo također da na putovanje uzmete priručnu apoteku.

TELEFONIRANJE: Pozivni broj zemlje je +356. Mobilne telefonske veze su dobre. Molimo da za detalje kontaktirate vašeg mobilnog operatera.

KREDITNE KARTICE: Većina kreditnih kartica prihvaćene su u svim bankama, te u većini hotela, restorana i trgovina (MasterCard, Visa), dok je Amex prihvaćen malo rjeđe. Većinom se na ulazu svake trgovine nalaze simboli kreditnih kartica koje pojedina trgovina prihvaća kao sredstvo plaćanja.

NAPOJNICE: Nisu obvezne, ali je običaj ostaviti 10% od ukupnog iznosa računa u restoranu ili taxiju, ako ste bili zadovoljni uslugom.

HRANA I PIĆE: Malteška kuhinja odražava maltešku historiju. Pokazuje snažne talijanske, engleske, španjolske i francuske utjecaje u svojoj kuhinji. Uvoz većine prehrambenih proizvoda, pozicioniranje duž važnih trgovačkih puteva, kao i snabdijevanje stranih sila koje su vladale otocima, otvorilo je maltešku kuhinju vanjskim utjecajima. Tradicionalni malteški zec – fenek, se smatra nacionalnim jelom. Uz jela od svinjetine (kao što su svinjski narezak na roštilju ili punjeni bok) i prevlast svinjskog mesa u autohtonim malteškim kobasicama, dodano je malo svinjetine jelima kao što su kawlata (juha od povrća) i ros il-forn (pečena riža). Unatoč maloj veličini Malte postoji nekoliko regionalnih specijaliteta. To je naročito slučaj s otokom Gozo. O tome svjedoče neka imena kao što su gozitanski sirevi (tbejna t'Għawdex) i ftira Għawdxija, palačinke punjene krompirom, gbejinets jajima, naribanim sirom, paradajzom, incunima, maslinama, rikotom i malteškom kobasicom.

KUPOVINA: Popularni suveniri su nakit, puhano staklo, slastice, razne minijature, memorabilija, vino, Kinnie – malteško bezalkoholno piće, Ćisk – autohtono malteško pivo. Veliki broj objekata posluje od 8 do 20 radnim danom, od 9 do 17 subotom, dok samo neki rade nedjeljom.

SEF: Molimo da spremite novac, dokumente i druge vrijednosti u hotelski ili sobni sef, organizator putovanja niti hotel ne preuzima odgovornost za ukradene/izgubljene stvari.